

سبيني

أكتب في عيونك
ميت قصيدة غزل
وأزين بأسمك
م الحروف دواوين
مجروحة
وناقصه شهادتي فيك
ازاي تبقي عايشه
جوه نبضي وأوصفك
ازاي تبقي جوه قلبي
وبين ضلوعي ولا أعرفك
ازاي تبقي في عيوني

وأشوف مكانك وحده تانيه

ماهو لو شفت غيرك

أكيد مايكونوش عيوني

لسه عهدي معاك باقي

بين السطور

بينزف عشق ما نشفش

حالف بالف يمين ما أنساك

ولا أخلف في يوم عهدي

وأكمل دنيتي وياك

مهما قلت كثير عنك

مهما وصفت كثير فيك

لا هقدر أوصف جمال حبك

ولا إحساسي وأنا وياك..